

Kalendari i lutjes për burra Prill 2018

1. Kur ne shkojmë të kërkojmë Perëndinë, është e rëndësishme që ta kërkojmë atje ku Ai gjendet: në Biblën e Shenjtë. Ne mund të shohim nënshkrimin e Perëndisë kudo rreth nesh, por vetëm Bibla mund të na thotë me të vërtetë se kush është Perëndia. Lutuni që Perëndia të zbulojë veten e Tij sot në lutjen tuaj dhe leximin e shkrimit (Eksodi 15:11)

2. Perëndia dëshiron që ju të bëheni më shumë si ai dhe ai dëshiron që ju të jeni të pajisur plotësisht për çdo vepër të mirë. Lutuni që ju të bëheni njeriu që Perëndia dëshiron që të jeni. (2 Timoteu 3: 16-17)

3. Bibla na thotë se Esdra, prifti jude, iu kushtua studimit dhe respektimit të Ligjit të Zotit (Esdra 7:10). A nuk është e mrekullueshme? Lutuni që ju të gjeni kënaqësi të madhe në leximin tuaj të Biblës dhe ditë pas dite të rriteni në shenjtëri. (Efesianëve 3:16)

4. Jezusi u tha dishepujve të tij që të jenë dëshmitarë të tij deri në skajet e tokës. Pothuajse 2.000 vjet pasi Jezusi tha këto fjalë, ka ende më shumë se 7,000 grupe njerëzish në botë të cilët nuk e kanë degjuar Lajmin e mire. Lutuni që Perëndia t'ju tregojë se si mund të merrni pjesë në përmbushjen e Porosisë së Madhe. (Veprat 1: 8)

5. Falënderoni Perëndinë për premtimin e tij për të qenë gjithmonë me ju, deri në mbarim të botës (Mat. 28: 19-20).

6. I dashur Zot, vetë-kontrolli është kaq i vështirë. Unë kam qenë duke bërë më të mirën që mund ta mbaj trupin dhe shpirtin së bashku si një të vetëm. Por tani e kuptoj se ajo që duhet të bëj është të vdes në mishin tim. Prandaj, heq dorë. Unë e pranoj vdekjen time me Krishtin. Tani unë besoj që do të më

ngresh lart dhe të jetosh jetën tënde nëpërmjet meje. (Luka 9: 23-25)

7. At Qiellor, kam menduar se nëse bëj sakrificat e duhura - duke u lutur, duke lexuar Biblën, duke ndjekur kishën dhe duke dhënë ofrime - atëherë Ti do të ishe i kënaqur me mua. Por e kam pasur gabim. Rruga jote është ajo e hirit nëpërmjet besimit, jo veprave. Tani e kuptoj se jam i pranuar në Krishtin, jo nga veprat e drejtësisë që kam bërë. Pra, me anë të besimit, qëllimi im është të besoj dhe të bindem me gjithë zemër. (1 Sam. 15:22)

8. Zot Jezus, të gjitha përpjekjet e mia të sinqerta për ta mbajtur ligjin ishin të gabuara dhe joefektive. Në më të mirën time, unë e mbaja letrën e ligjit, e cila mund të prodhojë vetëm vepra të vdekura. Por tani e kuptoj se vetëm Ti mund ta mbash ligjin. Duke qënë që ti ardhur për të përmbushur ligjin, unë pushoj nga të gjitha përpjekjet e mia për të mbajtur ligjin. Unë të besoj TY që do përmbushësh ligjin në mua. (Mateu5:17)

9. O Zot, të falënderoj që nuk jam më shërbëtori i mëkatit. Ti më ke dhënë një zemër të re - një zemër sipas Perëndisë. Prandaj, me hirin e Perëndisë, unë në të vërtetë mund të të shërbej me gjithë zemrën time. Faleminderit që po punon në mua dhe dëshiron të bësh veprat e tua të mira .Pra, tani, në vend të bindjes time llogjike, unë mund të të bindem nga zemra ime - një përgjigje besimi dhe jo një përgjigje mishore. (Romakëve 6:17)

10. Dëshira e bashkëshortit për intimitet fizik shpesh e tejkalon nivelin e dëshirës së gruas së tij. Lutuni që burrat t'i rezistojnë tundimeve për të kërkuar metoda të tjera të përmbushjes së dëshirës së tyre dhe të kuptojnë se ka pasoja për jobesnikërinë. (Prov 6:27)

11. Është e rëndësishme për burrat që të kenë kohë me miqtë e tyre. Megjithatë, lutuni që çdo burrë të kërkojë miq që e nxisin atë të jetë një njeri më i perëndishëm, bashkëshort dhe baba. (Psalmi 1: 1)

12. Bibla thotë se "Cfarë ka zemra flet goja." Lutuni që burrat do dëshirojnë të kenë zemra te pastra, në mënyrë që fjalët që u flasin familjeve të tyre të inkurajojnë dhe t'i lartësojnë ato. (Luka 6:45)

13. Jezusi shfaq shumë emocione, megjithatë burrat shpesh besojnë se emocionet janë shenjë e dobësisë. Lutuni që burrat të lejojnë veten, të shfaqin emocionet ashtu sic bëri Jezusi rreth grave dhe fëmijëve të tyre kur ishte e përshtatshme. (Gjoni 11:35)

14. Për shkak të rritjes së tyre, disa burra mendojnë se ata e meritojnë t'u shërbehet në familje dhe të mos marrin pjesë në punët që ka shtëpia. Lutuni që burrat do të imitojnë Jezusin duke i shërbyer të tjerëve dhe jo vetëm të shërbehen. (Marku 10:45)

15. Lutuni për ekipet e burave të përkushtuar që po prezantojnë kursin e dishepullizimit të TWR "Cdo burrë është një luftëtar" në qytete të ndryshme në Brazil. Nevoja për burra të perëndishëm që janë të themeluar në Fjalën dhe të aftë për të udhëhequr në shtëpi dhe në kishë, sipas standardeve të Perëndisë, është epidemike. (Zakaria 4: 6)

16. Ashtu siç kemi marrë Krishtin Jezus, Zotin, kështu ne mund të ecim të rrënjësuar dhe të mbështetur tek ai (Kolos. 2: 6-7). Ne morëm Krishtin me anë të hirit nëpërmjet besimit dhe mund të ecim (të jetojmë, qëndrojmë) në të me anë të hirit nëpërmjet besimit. Lutuni që ne do të shohim nevojën tonë për këtë.

17. Jezusi u përgjigj dhe i tha: "Nëse ndokush më do, do ta zbatojë fjalën time; edhe Ati im do ta dojë dhe ne do të vijmë tek ai dhe do të bëjmë banesën tek ai. (Gjoni 14:23). "Zot, lutemi të duam më shumë dhe me vetëdije të mirëpresim praninë tënde për të jetuar brenda dhe nëpërmjet nesh".

18. Kjo "jetë e qëndrueshme" mund të kultivohet përmes disiplinës. Lutuni që ne jo vetëm që do tregojmë jetën e Krishtit në ne, por gjithashtu do praktikojmë këtë vetëdije nëpërmjet kultivimit të disiplinës së lutjes dhe leximit të Fjalës. (Kolozianëve 3:16)

19. Pali shkroi «*të jetuarit për mua është Krishti*» dhe «*Unë u kryqëzova bashkë me Krishtin dhe nuk rroj më unë, po Krishti rron në mua; dhe ajo jetë që tani jetoj në mish, e jetoj në besimin e Birit të Perëndisë, që më desh dhe dha veten për mua*». Lutuni që burrat të modelojnë përpara familjeve dhe kishave se si duket të jetosh si Krishti dhe përmes tyre. (Filipianëve 1:21, Gal 2:20)

20. Kur burrat ndiejnë mosmirënjohje nga gratë e tyre, ata mund të harrojnë sfidën e Perëndisë që "*që ta shenjtërojë atë, pasi e pastroi me larjen e ujit me anë të fjalës,*" (Efesianëve 5:26). Lutuni që Fryma e Shenjtë do t'i bindë zemrat e burrave që t'u binden fjalëve të Palit.

21. Armiku merr atë që Perëndia e ka bërë dhe e shtrembëron për të zënë në grackë njerëzit. Pra, ndërsa lutemi për fitore mbi tundimin, duhet të kujtojmë se rruga e Perëndisë është gjithmonë në interesin tonë më të mirë. "*Sepse Zoti është i mirë; mirësia e tij është e përjetshme dhe besnikëria e tij vlen për të gjitha brezat.*" (Psalmi 100: 5).

22. Disa fe përdorin ritualet, duke përfshirë thënien e lutjeve, si një mjet për meritat shpirtërore dhe

përpjekjet për shlyerjen e mëkateve. Megjithatë, ungjilli pajton besimtarët me Perëndinë me anë të hirit dhe na mirëpret për t'i pëlqyer Zotit nëpërmjet bisedave personale, e plot dashuri me Të. "*Sakrifica e të pabesëve është një neveri për Zotin, por lutja e njerëzve të drejtë i pëlqen Atij.*" (Prov. 15: 8).

23. Për shkak se Perëndia kishte fuqinë dhe qëllimin për të ndarë oqeanet nga toka në ditën e 3-të javës së krijimit, ne mund të besojmë në premtimin e tij se ungjilli do të vazhdojë të përparojë dhe se Jezu Krishti do të mbretërojë një ditë globalisht pas ardhjes së tij të dytë. "*Sepse dheu do të mbushet me diturinë e lavdisë të Zotit, ashtu si ujërat mbushin detin.*" (Hab. 2:14).

24. Apostulli Pal ndërmjetësonte me besim: "*duke iu lutur gjithmonë me gëzim për ju të gjithë në çdo lutje që bëj, ... duke qënë i bindur për këtë, se ai që nisi një punë të mirë në ju, do ta përfundojë deri në ditën e Jezu Krishtit.*" (Fil. 1: 4, 6). Ne mund të kemi të njëjtin besim ndërsa lutemi për rritjen shpirtërore të besimtarëve që dëgjojnë programin "Ngritja e Kampionëve".

25. Kultura perëndimore ka miratuar filozofinë e relativizmit, duke e bërë atë një çështje preference personale për atë që është morale dhe çfarë është imorale. Nuk është çudi që e vërteta biblike po refuzohet dhe kundërshtohet! Lutuni që të jeni të mençur dhe të vendosur të jetoni parimet e Biblës dhe të qëndroni për atë që është e drejtë dhe e vërtetë. (Efesianëve 4:25)

26. Ne të gjithë pajtohemi se qëllimet e mira nuk janë të mjaftueshme. Ne kemi nevojë për rezultate të mira. Në sferën shpirtërore, është e lehtë të bëhemi rob të një forme fetare në vend që të shqyrtojmë përmbajtjen reale dhe të përqendrohemi në rezultatin përfundimtar. Jezusi na paralajmëron të

shohim e të lutemi, që të mos biem në tundim. Megjithatë, fryma është e gatshme, por trupi (mishi) është i dobët (Marku 14:38).

27. Beteja më e madhe në jetë është beteja me veten. Kjo betejë është dhe vendi ku fillon dishepullizimi. Sepse Krishti Jezu vdiq për ne, natyra jonë e vjetër vdiq me të (Romakëve 6: 6) dhe ne jemi të lirë të zgjedhim ta ndjekim atë. Pranoje kushtin që ai përcakton dhe ndiq Shpëtimtarin: «*Nëse dikush do të vijë pas meje, le ta mohojë vetveten, ta marrë çdo ditë kryqin e vet dhe të më ndjekë.*» (Luka 9:23).

28. Lutuni për Lonnie Berger, drejtorin e shërbesës së TWR-së për burrat. Pas procesit të shërimit nga operacioni i kancerit, ai po transferohet tani në zyrën qendrore të TWR. Lutuni që Zoti do të vazhdojë të bekojë zhvillimin e iniciativave të lutjes dhe të transmetimit të Ngritja e Kampinoëve dhe të iniciativës për trajnimin e dishepullizimit të "Cdo burrë është një luftëtar". (Efesianëve 6:19)

29. Lutuni për të krishterët nën persekutim. Në disa vende, grupe ekstreme fetare përhapin akuza të rreme kundër tyre dhe nxisin njerëz injorantë për të djegur pronat e tyre dhe për t'i vrarë. Në vende të tjera, ata veçohen sepse qëndrojnë për vlerat biblike dhe të vërtetën absolute dhe nuk i japin përparësi axhendës progresive të sjelljes imorale. (1 Pjetrit 4:16)

30. Lutuni që Zoti të ngrejë burra të guximshëm që e njohin dhe e duan Zotin dhe i drejtojnë familjet e tyre me mençuri dhe karakter. Lutuni për një lëvizje të fuqishme të Shpirtit të Perëndisë në Kishën e tij anëmbanë botës. (Mal 4: 2)